



Universitätsbibliothek Paderborn

Conferentiæ Theologico Morales

Compendiosè propositæ ac breviter resolutæ Ad Usum Directorum
Conferentiarum Hebdomadalium ... DD. Parochorum, Curatorum,
Confessariorūmque omnium

Ex Materia De Actibus Humanis Excerptarum

Sargar, Elisaeus

Augustæ Vindelicorum, 1720

Conferentia IXX. Quinam actus humani cadant sub lege, vel præcepto
humano ?

urn:nbn:de:hbz:466:1-41214

mii vel pœnæ mereatur: ad exemplum illius D. Jacobi 2. *Quicunque totam legem implevit, offendat autem in uno, factus est omnium reus.* Intelligimus quoad substantiam reatus & pœnæ; non autem quoad quantitatem.

CONFERTIA LXX.

Quinam actus humani cadant sub lege, vel præcepto humano?

RESOLUTIO I. Nullus actus merè interitus, per se directè præcipi vel prohibeti potest lege vel præcepto humano. Ita cum D. Thom. 1. 2. q. 91. a. 4. Navar. c. 13. n. 38. Suar. l. 4. de legibus c. 12. Taner. Laym. & alii innumerati pud ipsos.

Ratio autem est: quia humana potestate, legi aut præcepto illud tantum potest præcipi vel prohiberi directè de quo homo virtute humana potest cognoscere, judicare, & transgressores punire. Ilioquin frustra ferretur lex, vel præceptum communitati, si cognosci non possit, an servetur? atqui de actibus merè internis, ut potè suapè naturā insensibilibus, nullus homo humana virtute cognoscere vel judicare potest; juxta illud. Reg. 16. *Homines vident ea, quæ patent, Deus autem intuetur cor.* Ergò tantum actus externi per se directè præcipi vel prohiberi possunt, minimè verò actus interni; ut puta cogitationes, proposta, volitiones, &c.

Petes: quomodo ergò Prælati Regulares præcipiant orationes mentales statis horis peragendas. Examina conscientiæ, &c. R. hæc ideo fieri, quia Reli-

Religiosus principaliter Deo vovit, obedire suo
prælato in omnibus, quæ secundum Regulam &
ordinis consuetudinem præcipiuntur; quæque ad
puram Regulæ & status sui observantiam condu-
cunt, inter quæ præcipua sunt orationes mentales,
examina conscientiæ, &c.

116. RESOLUTIO II. Humana lege vel
præcepto possunt etiam præcipi vel prohiberi ac-
tus interni indirectè; quatenus scilicet requirun-
tur ad actuum externorum directè præceptorum
vel prohibitorum moralē substantiam. Ita com-
munior, & sine dubio verior sententia Theolo-
gorum.

Probatur I. Quia omnis lex præcipiens, vel
prohibens aliquem actum, necessariò (indirectè
sicut) etiam præcipit vel prohibet omnia necessa-
ria requisita ad moralē substantiam illius actus:
sed omnis humana lex vel præceptum necessariò
solum præcipit aut prohibet actus humanos vo-
luntarios ac liberos, ad quorum moralē sub-
stantiam necessariò requiruntur actus interni vo-
luntatis, seu voluntas & propositum talem ac-
tum externum faciendi, vel omittendi; qui scilicet
actus interni sunt forma essentialis actuum
humanorum externorum, humani ac liberi sunt:
ergo præcipiens vel prohibens actus humanos ex-
ternos, etiam indirectè præcipit, vel prohibet il-
lum actum internum, seu voluntatis propositum
talem actum externum faciendi, vel omittendi e.g.
Ecclesia præcipiens die festo audiendum sacrum,
consequenter indirectè etiam præcipit propositum
audiendi sacrum; adeò ut qui deliberat nolle
audi-

audire, seu haberet propositum non audiendis-
crum, revera peccaret mortaliter contra legem
Ecclesiæ. Similiter Ecclesia prohibens die vene-
ris comedere carnes, etiam indirecte prohibet pro-
positum edendi carnes; adeo ut qui die veneris ef-
ficaciter vellet, vel proponeret comedere carnes,
revera peccaret legē contra Ecclesiæ. Unde c. null.
d. 19. dicitur: *Nulli fas est velle, vel posse transgredi*
Apostolica sedis præcepta. Ubi adverte pro his &
sequentibus: quantum ad praxin in ordine ad fo-
rum conscientię, omnino perinde esse, sive di-
catur actus illos internos præcipi vel prohiberi in-
directe à lege humana, an verò posita lege huma-
na, à lege divina naturali: quia sufficit occasione
legis humanæ etiam interno actu peccari mora-
liter.

Probatur II. Humana lex vel præceptum præ-
cipiens actus humanos externos, indirecte quoque
præcipit illos actus internos, qui ad moralem sub-
stantiam actuum externorum necessariò concur-
runt; cujusmodi sunt peculiares intentiones ac-
tuum. Exempla sint in *Contractibus*: Potestas Ec-
clesiastica vel civilis justè præcipiens aliquem con-
tractum, v. g. ut qui virginem defloravit, eam au-
ducat, aut dotet, &c. consequenter indirecte etiam
præcipit actum seu consensum internum, sive in-
tentionem se se obligandi necessariò requisitam ad
substantiam moralem talis contractus in specie.
Quis enim neget Ecclesiam vel Rempublicam po-
lse præcipere suis subditis, ut verè, & non fictè seu
fraudulenter contrahant? cùm ad utramque guber-
nationem ac commune bonum maximè pertineat,

ut contractus veri & non ficti vel fraudulenti siant;
 ideoque cum vero interno consensu ac intentio-
 ne requisita ad substantiam contractus. Deinde
in administratione Sacramentorum. Quicunque le-
 ge vel præcepto superioris jubetur sacramentum
 ministrare, baptizare, absolvere, celebrare, &c.
 eo ipso indirectè jubetur, & sine dubio tenetur ha-
 bere intentionem baptizandi, absolvendi, conse-
 gandi, &c. quia ejusmodi intentio est de intrinse-
 ca substantia operis præcepti, sine qua non sacra-
 mentum, sed sacrilegium fieret. Ulterius *in sus-
 ceptione sacramenti.* Lex Ecclesiastica præcipiens
 fidelibus annuam confessionem, consequenter
 etiam indirectè præcipit actum internum doloris
 & propositi, emendationis, &c.

Denique in oratione & cultu divino. Utpote Missa
 dominicis & festis diebus devote audienda, horis
 canonicas recitandis, &c. quæ certè merentur no-
 van conferentiam; proinde sit

CONFERTIA LXXI.

An requiratur attentio mentis in horis
 canonicas recitandis.

117. **S**ensus questionis est, utrum ad satisfacien-
 dum præcepto Ecclesiastico de recitandis
 horis canonicas, requiratur non tantum intentio
 voluntatis interna ad colendum Deum, sed etiam
 attentio intellectus ad verba recitanda, vel ad sen-
 sum, vel ad mysteria, vel saltem ad finem, qui est
 Deus colendus? circa quod

Supponitur ut certissimum, quod Ecclesia præ-
 cipiens clericis recitationem horarum canonica-
 rum,